

叢書集成續編


三六

新文豐出版公司印行

叢書集成續編

第三六冊目錄

哲學類



儒家哲學——論語

明明子論語集解義疏二十卷(一)(卷一五—二〇).....	清 胡 寅撰	四	明	一
卷一五.....	一	卷一八	一五九	後序.....
卷一六.....	六六	卷一九	二〇五	跋.....
卷一七.....	一〇三	卷二〇	二二六	識.....
論語注二十卷.....	清 戴 望著	南菁書院	二六三	
何休注訓論語述一卷.....	清 劉恭冕撰	鄒 齋	三二一	
論語異文考證十卷.....	清 馮登府纂	芋 園	三三一	
論孟疑義一卷.....	清 呂調陽撰	觀象廬	四二五	
天文本單經論語校勘記一卷.....	民 葉德輝撰	邵 園	四三七	
論語會箋二十卷首一卷.....	日 竹添光鴻箋	崇 文	四五三	
論語徵廢疾三卷.....	日 片山世璠著	崇 文	七六三	

明明子論語集解義疏卷十五

清定海胡寅伯寅撰

衛靈公第十五

釋文凡四十九章翟氏攷異云以孟

子趙注言論語四百八十六章統全經計之釋文九字當是三字之誤蓋注疏分明日遂行以下爲一章鄭本有子曰父在觀其志二句在知及章後故爲四十三章朱注刪并爲四十一章其實問陳在衛絕糧在陳二事相距甚遠在陳以下宜別爲一章也

衛靈公問陳於孔子

注孔曰軍陳行列之法也

孔子對曰俎豆之事

則嘗聞之矣

注孔曰俎豆禮器也

軍旅之事未之學也

注鄭曰萬人爲軍五百人爲旅也軍旅末二千五百

事本未立則不可教以末事也明日遂行

明明子論語集解義疏卷十五

一四明叢書約圖刊本

釋文陳作陣直刃反本今作陳俎側呂反史記世家引作問兵陳筆解對曰上無孔子二字明日遂行四字注疏本皆連下章惟朱注截此句爲一章是也

正義曰史記世家孔子臨河而反乎衛入主蘧伯玉

家他日靈公問兵陳孔子曰俎豆之事則嘗聞之軍

旅之事未之學也明日與孔子語見蜚雁仰視之色

不在孔子孔子遂行復如陳夏衛靈公卒索隱云此

魯哀公二年也左傳哀公十一年孔文子之將攻太

叔也訪於仲尼仲尼曰胡簋之事則嘗學之矣甲兵

之事未之聞也退命駕而行夫子前後答衛之君臣

語意皆同豈真有文事而無武備哉然子言爲政先

足兵嘗曰好謀而成我戰則克史記世家季康子謂

冉有日子之於軍旅學之乎性之平對曰學之仲尼

故夾谷之會以兵加萊人而齊侯懼三都之墮命申

句須樂頌伐之而費人北至於及門諸子子路以禦

侮之材固善於治軍旅冉有以用子退師樊遲以三

刻踰溝曾致勝於清之一役而公良孺賢而有勇嘗

以家車五乘從游子藉其力以過蒲蓋三代士合兵

農六藝敦通射御聖門未嘗不嫻軍旅也惟是爲國

明明子論語集解義疏卷十五

一四明叢書約圖刊本

以禮佳兵不祥聖人不得已而用之大戴禮三朝記

用兵篇夫子對哀公曰聖人之用兵也以禁殘止暴

於天下也及後世貪者之用兵也以刈百姓危國家

也蜂蟻挾螫而生見害而校以衛厥身者也人生有

喜怒故兵之作與民皆生聖人利用而弭之亂人興

之喪厥身是以聖人未嘗不言兵而亦未敢輕言

兵故子之所慎其一在戰也衛靈以郭澤之盟受援

手之辱結連齊魯與晉爲難子以務外不如治內事

大所以保邦晉霸雖衰衛非所敵故不答而去之卒

之靈公卽世內難頻仍雖有王孫賈之善治軍旅無所用之而夫子策衛政必以正名爲先務保衛庶仍以富教爲要圖俎豆之對其旨遠矣黃先生云禮曰禮之所尊尊其義也其數可陳也其義難知也知其義而敬守之天子之所以治天下也曾子言邊豆則有司存者事之數也夫子以俎豆對衛靈公者欲因事以知其義也

孔注云云疏曰以軍陳爲行列者陳借字正字作陳說文陳列也顏氏家訓書證篇謂王義小學章隋書經籍

明明子論語集解義疏 卷十五 四明叢書 約園刊本

志小學篇一卷晉下邳內史王義撰獨阜旁作車是釋文本陣字乃晉

以後俗體也太公六韜有天陳地陳人陳雲鳥之陳周禮車僕注孫子八陳有革車之陳夏官大司馬中春教振旅司馬以旗致民平列陳如戰之陳中夏教芟舍中秋教治兵中冬教大閱皆如振旅之陳左傳鄭爲魚麗鵠鵠之陳魯爲支離之陳楚武王荆尸而舉晉魏舒毀車而徒笠澤之戰越爲左右句卒黃池之會吳爲徹行方陳此軍陳之見於經傳者陳法莫詳於通典首載黃帝制陣法風后握奇經天地風雲

龍虎鳥蛇四爲正四爲奇餘奇爲握機天地之前衝爲虎翼風爲蛇蟠圍繞之義也虎居於中張翼以進蛇居兩端向敵而蟠以應之天地之後衝爲飛龍雲爲鳥翔突擊之義也龍居於中張翼以進鳥掖兩端向敵而翔以應之唐獨孤及八陣圖記云黃帝順殺氣以作兵法文昌以命將風后握奇制勝作爲陣圖蓋太公之四衝陣孫武子之常山蛇陣諸葛武侯之八陣李衛公之六花陣皆不出風后之遺意黃氏謂黃帝有五陣直陣屬木銳陣屬火圓陣屬土方陣屬

明明子論語集解義疏 卷十五 四明叢書 約園刊本

金曲陣屬水要之五陣亦卽八陣也云俎豆禮器者凡祭器鼎俎奇而邊豆偶明堂位俎有虞氏以梡斷木爲四足而已夏后氏以嶽中足爲橫距之象殷以棋如枳棋之曲撓周以房俎足下有跗如堂房其長皆二尺二寸廣一尺二寸高一尺豆見曾子答孟敬子章

鄭注云云疏曰周禮夏官敘官凡制軍萬有二千五百人爲軍軍將皆命卿二千有五百人爲師師帥皆中大夫五百人爲旅旅帥皆下大夫百人爲卒卒長

皆上士二十五人爲兩兩司馬皆中士五人爲伍伍

皆有長又小司徒云五人爲伍五伍爲兩四兩爲卒

五卒爲旅五旅爲師五師爲軍此皆鄭注所本也

在陳絕糧從者病莫能與注孔曰從者弟子興起也孔子去衛如曹曹不容又之宋

遭匡人之難又之陳會吳伐陳陳亂故乏食也

釋文糧音根鄭本作賑音張云糧也皇本作根

正義曰史記世家定公十四年孔子年五十六由大

司寇行攝相事齊人歸女樂孔子遂行適衛主於顏

濁鄒家衛靈公奉粟六萬居十月去衛將適陳過匡

明明子論語集解疏 卷十五 五四明叔取書 約園刊本

匡人止之及圍解去即過蒲月餘反平衛主遵伯玉

家有見南子事居衛月餘靈公與夫人同車使孔子

爲次乘於是去衛過曹是歲魯定公卒孔子去曹適

宋有桓魋之難適鄭與弟子相失遂至陳主於司城

貞子家歲餘吳王夫差伐陳取三邑趙鞅伐朝歌楚

圍蔡蔡遷於吳吳敗越會稽有隼集於陳廷而死楷

矢貫之石弩陳潛公使問仲尼孔子居陳三歲會晉

楚爭彊更伐陳及吳侵陳陳常被寇孔注以絕糧在此時魯哀公元

年陳潛公八年也孔子有歸與之歎於是去陳過蒲蒲人止

孔子賴公良孺以勇力闕而免遂適衛靈公聞其來

喜而郊迎然老怠於政不用孔子於是有期月三年

之歎趙簡子攻范中行伐中牟佛肸畔使人召孔子

子路不說有堅白匏瓜之喻時又擊磬而遇荷蕢鼓

琴而學師襄孔子既不得用於衛將西見趙簡子聞

竇鳴犢舜華之死也臨河而反平衛入主遵伯玉家

他日靈公問兵陳仰視蜚雁孔子遂行復如陳夏衛

靈公卒索隱云此魯哀公二年也立孫輒六月趙鞅納蒯賁於戚

冬蔡遷于周來是歲魯哀公三年而孔子年六十矣

明明子論語集解疏 卷十五 六四明叔取書 約園刊本

夏孔子在陳聞桓魋廟災秋季桓子卒遺命康子召

孔子乃使召冉求孔子又有歸乎之歎明年孔子自

陳遷於蔡蔡昭公將如吳大夫射殺昭公徐廣曰哀公四年也

楚侵蔡秋齊景公卒徐廣曰哀公五年也明年孔子自蔡如葉

有對葉公問政及語子路憤樂忘憂之說去葉反於

蔡連遇長沮桀溺荷蓑丈人遷蔡三歲吳伐陳楚救

陳徐廣曰哀公六年也軍於城父聞孔子在陳蔡之間楚使人

聘孔子將往拜禮陳蔡大夫合謀相與發徒役圍孔

子於野不得行絕糧從者病莫能與孔子講誦弦歌

不衰有對子路君子固窮子貢一以貫之及顏子道
大莫容之說於是使子貢至楚楚昭王興師迎孔子
然後得免昭王將以書社地七百封孔子以子西之
沮乃止其秋楚昭王卒於城父孔子遇楚狂於是自
楚反平衛是歲也孔子年六十三而魯哀公六年也
蒙案據史記孔子世家及陳杞世家十二諸侯年表
攷之謂絕糧當在陳湣公十三年魯哀公之六年也
據孔注當在陳湣公八年魯哀公之元年也朱子以
論語連記問陳絕糧事謂絕糧當在去衛復如陳時

明明子論語集解義疏 卷十五 七 四明叢書
約園刊本

則魯哀公之二年也然問陳絕糧本非一時事繫明
日遂行於下章乃注疏本之誤汪武曹以陳蔡追隨
之弟子考之哀公二年游夏年皆未踰十五恐未能
以文學顯名而從師跋涉則絕糧當在哀六年史記
得之但謂陳蔡大夫以兵圍孔子是時陳蔡臣服於
楚楚聘孔子陳蔡大夫安敢圍之況楚方救陳而乃
圍其所聘之人尤無此理以傳考之此時蔡即吳陳
事楚兩國大夫趨向各別蔡又遷於州來與陳遠乃
越國相謀其圍一無怨無德之過客尤不可解也然

則孔注謂因陳人被兵而絕糧此於情事爲近但蔡
之去宋適陳時則以哀元年吳亦伐陳而誤不若史
記之年爲可據也毛大可贍言曰孔注據莊子謂孔
子之曹不容之宋遭匡人之難於是之陳而吳適伐
陳陳亂故乏食則又誤注者夫子之宋遇桓魋之難
不是匡人且據年表定公十三年夫子適衛十四年
適陳是時並無吳師伐陳又且在陳絕糧與阨於陳
蔡是一時事夫子是時尚未適蔡至哀三年夫子去
衛適陳又久之適蔡至六年而始有吳伐陳楚子救

明明子論語集解義疏 卷十五 八 四明叢書
約園刊本

陳之事見於春秋絕糧之阨當在此時孔氏誤也若
在陳歸與之歎亦一時事而史記誤分論語孟子爲
二以定公年在陳作孟子歎時哀公年在陳作論語
歎時大抵夫子五適衛三適陳一適蔡而然後歸魯
歸與之歎則在第三次適衛第二次適陳之際絕糧
之阨則在第四次適衛第三次適陳之際他無與也
故嘗較夫子轍迹與論語孟合者自去司寇後即適衛
是時衛將奉粟六萬爲夫子祿而仍不能用孟子所
謂主顏雝由所謂於衛靈公際可之仕皆在此時此

適衛第一次也及去衛將適陳過蒲蒲人止之仍反

平衛是時南子請見且置夫子於屬車而夫子去衛

論語所謂子適衛與子見南子皆在此時雖史記云

有吳楚之寇而春秋無有要是史記誤者此適衛第

二次也乃夫子如宋遭桓魋之難又如鄭然後至陳

論語兩所云子畏於匡與孟子所謂微服過宋所謂

主司城貞子皆在此時此適陳第一次也既而去陳

復反衛又將之晉渡河不果又反衛因靈公問陳而

又去衛適陳論語所謂衛靈公問陳於孔子子在陳

明明子論語集解義疏 卷十五 九十四明叢書

孟子所謂子在陳皆在此時此哀之三年為適衛之

第三四次適陳之第二次也乃自陳遷蔡吳始伐陳

而楚來救之聞孔子在陳蔡間使聘孔子而陳蔡大

夫懼而見沮因之有絕糧之事論語所謂從我陳蔡

在陳絕糧孟子所謂阨於陳蔡之間皆在此時此哀

之六年為適陳之第三次適蔡之第一次也嗣此復

反衛與出公周旋然後歸魯論語所謂夫子為衛君

衛君待子吾自衛反魯孟子所謂於衛孝公有公養

之仕皆在此時此哀之七年後為適衛之第五次而

夫子之轍跡終焉此以經注經庶乎稍可據者臧在

東拜經日記曰史記孔子世家因孔子居衛居陳時

久事多遂覆敘三次第一次季桓子受女樂孔子行

適衛主顏濁鄒家居十月去衛將適陳過匡過蒲月

餘反平衛主蘧伯玉家去衛過曹過宋過鄭遂至陳

主司城貞子家居陳三歲去陳第二覆敘過蒲遂適

衛靈公怠於政孔子行趙簡子攻范中行伐中牟佛

畔以中牟畔使人召孔子孔子欲往孔子擊磬有荷

蕢過門第三覆敘孔子既不得用於衛將西見趙簡

明明子論語集解義疏 卷十五 十四明叢書

子臨河而歎反平衛主蘧伯玉家靈公見飛雁仰視

之色不在孔子孔子遂行復如陳自陳遷蔡細繹其

脈株然不素第二番敘過蒲曾公叔氏以蒲畔孔子

遂適衛靈公郊迎即第一番去衛過蒲月餘反平衛

主蘧伯玉家靈公夫人願見是也第三番敘反衛主

蘧伯玉家靈公問兵陳明日與孔子語見蜚雁仰視

之色不在孔子孔子行即第二番孔子遂適衛靈公

聞孔子來喜問蒲可伐乎孔子曰可然不伐蒲靈公

老怠於政不用孔子孔子行是也且即第一番月餘

反平衛主遯伯玉家靈公與夫人同車宦者雍渠參
乘使孔子爲次乘招搖市過之孔子曰吾未見好德
如好色者於是去衛是也第一番敘趙簡子攻范中
行伐中牟佛肸畔欲往孔子擊磬於衛卽第三番孔
子旣不得用於衛將西見趙簡子反平衛主遯伯玉
家是也案左傳哀二十五年衛侯輒出奔將適蒲拳
彌曰晉無信不可杜注蒲近晉邑世家亦言蒲衛之
所以待晉楚也蓋孔子過蒲欲適晉見趙簡子仍反
衛在此時矣又明年孔子自陳遷於蔡史公嚮往至

明明子論語集解義疏 卷十五 十二 四明叢書
約圖刊本

聖故博采眾說以申宗仰之旨且彼此互見正明其
爲一事也蓋孔子去魯卽適衛去衛卽欲適陳而中
有過匡過蒲趙簡子伐中牟佛肸召將西見趙簡子
仍反衛居衛月餘乃去衛過曹過宋過鄭諸事方適
陳遂至濡遲三載史公於居十月去衛下大書曰將
適陳又於過匡過蒲反衛去衛過曹過宋過鄭下大
書曰孔子遂至陳明自過鄭以前皆將適陳而未果
也復如陳亦對將適陳立文明以前皆將適陳而未
果至是乃復如陳也詎禮記正義檀弓篇用世家文

刪去將字改適爲之云孔子去魯適衛從衛之陳下
又云去宋適鄭去鄭適陳居三歲又云反於衛復行
如陳是顯以孔子三至陳矣朱子論語序說引世家
文更誤云適衛主於子路妻兄顏涿鄒家適陳過匡
還衛主遯伯玉家又去適陳主司城貞子家居三歲
而反於衛靈公不能用將西見趙簡子至河而反又
主遯伯玉家靈公問陳不對而行復如陳遂成三適
陳四適衛矣蓋由不知史記將字之意而輕刪之又
不知史記復字之意而誤解之遂至斯誤又孔子去

明明子論語集解義疏 卷十五 十二 四明叢書
約圖刊本

衛過曹去曹過宋去宋過鄭宋鄭世家十二諸侯年
表皆作過宋過鄭是也孔子實未嘗適宋適鄭今世
家作適宋適鄭者字之誤也孔子初適衛主顏濁鄒
去衛復反乃主遯伯玉史公恐人不了故每提必敘
主者如云孔子遂適衛主於子路妻兄顏濁鄒家又
過蒲月餘反平衛主遯伯玉家又還息乎陬而反平
衛入主遯伯玉家兩言主遯者明先後一事也又云
過蒲蒲人止孔子與之盟出孔子東門孔子遂適衛
此亦主遯繫上可知也又孔子以哀元年至陳居陳

三歲年六十一後自陳遷於蔡三歲年六十三爲魯
哀公六年時阨於陳蔡之間楚興師來迎遂自楚遷
蔡自蔡遷陳自陳反乎衛魯以幣迎孔子卽歸老於
魯安得於反衛之後有復如陳之事乎毛氏以經證
經臧氏以史正史皆從史記說以絕糧事當在魯哀
公之六年是也江慎修謂在哀公四年自陳遷蔡時
道途資用乏絕不必有陳蔡大夫兵圍之事然太史
公博極羣書必有所本再爲詳攷可也

孔注云云疏曰云從者弟子者先進篇從我於陳蔡

明明子論語集解義疏 卷十五 十三 四明叢書
約園刊本

者是也云興起也者說文同皇疏病飢困也以絕糧
爲乏食者說文糧穀食也俗作糧釋文引鄭君本作
糧注云糧糧也爾雅釋言文周禮廩人治其糧與其
食注行道曰糧謂糲也左僖四年傳其其資糧疏謂
米粟行道之食也故莊子云適百里者宿春糧適千
里者三月聚糧

子路慍見曰君子亦有窮乎子曰君子固窮小人窮斯

濫矣注濫溢也君子固亦有窮時但
不如小人窮則濫溢爲非也

釋文慍紆問反見賢通反濫力暫反說文引濫作𦵏
考文足利本高麗本無有字

正義曰朱注本與何解同又引程叔子曰固窮者固
守其窮語錄云固字答上亦字文勢乃相應或問云
固有窮時則不必慍也窮斯濫則不可慍也不待如
程子之說而可以救子路之失矣蒙案史記世家云
孔子知弟子有慍心乃召子路子貢顏回而問曰詩
云匪兕匪虎率彼曠野吾道非耶吾何爲於此子路
曰意者吾未仁耶人之不我信也意者吾未知耶人
之不我行也孔子曰有是乎由賢使仁者而必信安
有伯夷叔齊使知者而必行安有王子比干子貢曰
夫子之道至大也故天下莫能容夫子夫子蓋少貶
焉孔子曰賜良農能稼而不能爲穡良工能巧而不
能爲順君子能修其道綱而紀之統而理之而不能
爲容今爾不修爾道而求爲容賜而志不遠矣顏回
曰夫子之道至大故天下莫能容雖然夫子推而行
之不容何病不容然後見君子夫道之不修也是吾
醜也夫道既已大修而不用是有國者之醜也孔子
欣然而笑曰有是哉顏氏之子使爾多財吾爲爾宰
苟子宥座篇韓詩外傳皆記絕糧事孔子告子路曰

明明子論語集解義疏 卷十五 十四 四明叢書
約園刊本

賢不肖者材也遇不遇者時也夫驥龍鹽車非無形容也莫知之也使驥不得伯樂安得千里之足造父亦無千里之手矣夫學者非爲通也爲窮而不憂困而志不衰先知禍福之始而心無惑焉故聖人隱居深念獨聞獨見故君子務學修身端行而須其時者也說苑孔子遭難陳蔡之境絕糧七日孔子修樂不休子路慍見子曰昔日齊桓霸心生於菖句踐霸心生於會稽晉文霸心生於驪氏故居不幽則思不遠身不約則思不廣庸知吾不得之於桑落之下與明

明明子論語集解疏 卷十五 十五 四明叢書 約園刊本

日免於阨謂子貢曰語不云乎三折肱而成良醫夫陳蔡之間某之幸也吾聞人君不困不成王烈士不困不成行夫困之爲道從寒之及煖煖之及寒也惟賢者獨知而難言之也荀子亦同莊子讓王篇孔子窮於陳蔡之間七日不火食藜藿不糝顏色甚憊而弦歌於室顏回擇菜子語子貢相與言曰夫子再逐於魯削迹於衛伐樹於宋窮於商周圍於陳蔡殺夫子者無罪藉夫子者無禁弦歌鼓琴未嘗絕音君子之無恥也若此乎顏回無以應入告孔子孔子推琴

喟然而歎曰由與賜細人也召而來吾語之子路子貢入子路曰如此者可謂窮矣孔子曰是何言也君子通於道之謂通窮於道之謂窮今某抱仁義之道以遭亂世之患其何窮之爲故內省而不窮於道臨難而不失其德天寒旣至霜雪旣降吾是以知松柏之茂也陳蔡之隘於某其幸乎孔子削然反琴而弦歌子路挖然執干而舞子貢曰吾不知天之高也地之下也古之得道者窮亦樂通亦樂所樂非窮通也道德於此則窮通爲寒暑風雨之序矣故許由娛於

明明子論語集解疏 卷十五 十六 四明叢書 約園刊本

潁陽而其伯得乎其首諸書皆可與此經相發明莊子是篇言亦精粹又見呂覽慎人篇風俗通窮通篇何注云云疏曰云濫濫也者說文濫汜也汜濫卽淫濫故字从水左哀五年傳不僭不濫注濫也此濫之本義也說文引此經作媼媼過差也樂記狄成滌濫之音作注僭差也左昭八年傳民聽濫也注失也周書經典解不濫其度注過也賈子道術篇動有文體謂之禮反禮爲濫濫濫則過差此濫之引申也釋文引鄭君注濫竊也樂記姦聲以濫注濫濫竊也禮器

君子以爲濫矣注濫亦盜竊也坊記云小人貧斯約約斯盜注約窮也此鄭君所本也

子曰賜也女以子爲多學而識之者與對曰然注孔曰然者謂多學而非與注孔曰問識之者非與今不然耶

釋文與音餘皇本女作汝史記世家連上章云子貢色作孔子曰賜爾以子云云非也

正義曰朱注子貢之學多而能識矣夫子欲其知所本也故問以發之子貢方信而忽疑蓋其積學功至而亦將有得也

曰非也子一以貫之注善有元事有會天下殊塗而同歸百慮而一致知其元則眾善舉

明明子論語集解義疏卷十五 十七 四明叢書約圖刊本

矣故不待多學以知之也

釋文貫古亂反

正義曰朱注說見第四篇然彼以行言而此以知言也黃先生曰貫之貫所學之多也一者總詞謂總以貫所學之多也聖人好古敏求觸處融貫雖多如未嘗多不彊識而無不識由其一以貫也學者博考遐稽識之每易於忘卽能不忘而彌苦意緒之繁者以其多也然參伍錯綜之候或分類析之或比類合之以條目之詳而統之以綱領以綱領之統而得先後

次第之序則學之實得於心者同條共貫自無博聞

彊識之苦夫子蓋以此示子貢也毛大可臆言曰論

語兩一貫曾子是忠恕子貢只是恕一言而終身行

之單是恕字不欲無加是子貢行恕實功卽博施濟

眾亦以仁聖爲子貢強恕極境推之而仲弓之不欲

勿施仁及邦家孟子之反身強恕萬物皆備其揆一

也大學以明德新民爲一貫而務絜矩以該之中庸

以成己成物爲一貫而提忠恕違道不遠以綜統之

然且忠恕二字要歸在恕以平天下育萬物非恕不

明明子論語集解義疏卷十五 十八 四明叢書約圖刊本

爲功大學以藏恕喻人爲絜矩而中庸以求人先施

爲庸德蓋聖賢無獨善其身之事博施備物與曲成

各正在下學者均有之是明德新民成己成物內聖

外王天道人道並無有二蒙案朱注謂曾子一貫以

行言子貢一貫以知言故黃先生專疏致知之學毛

氏以子貢終身行恕之一言疏多學而識之一貫是

兼知行言之然知行本不可分爲二事所謂多學一

貫者學以致知而將力行也

何注云云疏曰云善有元事有會者里仁篇皇疏引

王弼曰夫事有歸理有會得其歸事雖殷可以一名舉總其會理雖博可以至約窮何解與王氏意同黃先生謂易繫辭傳言咸之四爻所感未大必分往來之界故夫子言同歸一致之道與此經無當也何氏轉其辭以相援證離多學以言貫遂啓異端元妙之說焦理堂補疏曰繫辭傳云天下何思何慮天下同歸而殊塗一致而百慮韓康伯注云少則得多則惑塗雖殊其歸則同慮雖百其致不二苟識其要不在博求一以貫之不慮而盡矣與何說同易傳言同歸

明明子論語集解義疏 卷十五 十九 四明叢書 約園刊本

而殊塗一致而百慮何氏倒其文爲殊途而同歸百慮而一致則失乎聖人之指莊子引記曰通於一而萬事畢此何韓之說也夫通於一而萬事畢是執一之謂也非一以貫之也孔子以一貫語曾子曾子卽發明之云忠恕而已矣忠恕者何成己以成物也孟子曰大舜有大焉善與人同舍己從人樂取於人以爲善舜於天下之善無不從之是真一以貫之以一心而同萬善所以大也一貫則爲聖人執一則爲異端董子云夫喜怒哀樂之發與清暖寒暑其實一貫

也四氣者天與人所同也天與人一貫人與己一貫故一貫者忠恕也孔子焉不學無常師無可無不可異端反是孟子以楊子爲我墨子兼愛子莫執中爲執一而賊道執一出於不忠恕楊子惟知爲我而不知兼愛墨子惟知兼愛而不知爲我子莫但知執中而不知有當爲我當兼愛之時也爲楊者必斥墨爲墨者必斥楊楊已不能貫墨墨已不能貫楊使楊子思兼愛之說不可廢墨子思爲我之說不可廢則恕矣則不執一矣聖人之道貫乎爲我兼愛執中者也

明明子論語集解義疏 卷十五 二十 四明叢書 約園刊本

執一則人之所知所行與己不合者皆屏而斥之入主出奴不恕不仁道日小而害日大矣人之有技若己有之保邦之本也己所不知人其舍諸舉賢之要也知之爲知之不知爲不知力學之基也善與人同則人之所知所能皆我之所知所能而無有異惟事欲出乎己則嫉忌之心生不與人同而與人異執兩端而一貫者聖人也執一端而無權者異端也記曰夫言豈一端而已夫各有所當也各有所當何可以一端概之史記禮書曰人道經緯萬端規矩無所

不貫惟孔子無所不貫似恃乎多學而識之乃多學而識仍自致其功而未嘗通於人孔子以忠恕之道通天下之志故無所不知無所不能非徒恃乎一己之多學而識也忠恕者絜矩也絜矩者格物也物格而後知至故無不知由身以達乎家國天下是一以貫之也一以貫之則天下之知皆我之知天下之能皆我之能何自多之有自執其多仍執一矣

子曰由知德者鮮矣注王曰君子罔窮而子路慍見故謂之少於知德者也

釋文鮮仙善反考文補遺古本矣作乎

明明子論語集解義疏 卷十五 三十四明叢書 約園刊本

正義曰朱注由呼子路之名而告之也德謂義理之得於己者非已有之不能知其意味之實也外注自一章至此疑皆一時之言此章蓋為慍見發也蒙案知德者鮮矣與尚德哉若人兩德字相同史記世家引子貢多識章弟子傳引子張問行章皆以為陳蔡難中之言王肅朱子皆從之韓李筆解曰此句是簡編脫漏當在子路慍見下文一段為得趙鹿泉淵故錄引焦氏曰慍非私慍為孔子而慍天生聖人不用則亦已矣何困厄至此似非理之所有故以為問然

即此便不能與聖心合一不能與天心合一便是德不足處故曰知德者鮮矣饒雙峯曰不曰知道而曰知德蓋知在行先曰知道知在行後曰知德知在行先則道未為我有猶未親切知在行後則此道實為我有而知之也深既知裏面滋味則外面世味自不足以奪之窮何必慍哉

王注云云疏曰以鮮為少者鮮本眇之借潛夫論德化篇云孔子稱知德者眇眇即眇之俗

子曰無為而治者其舜也與夫何為哉恭己正南面而

明明子論語集解義疏 卷十五 三十四明叢書 約園刊本

已矣注言任官得其人故無為而治也

釋文治直吏反夫音符春秋繁露楚莊王篇引治作制書劉寔傳引作化隸釋孟郁修堯廟碑而治作如治禮部韻略詩卷阿箋引恭作共或又作拱

正義曰朱注無為而治者聖人德盛而民化不待其有所作為也獨稱舜者紹堯之後而又得人以任眾職故尤不見其有為之迹也恭己者聖人敬德之容既無所為則人之所見如此而已精義謝氏引揚子云襲堯之迹行堯之道法度彰禮樂備垂拱而視天民之阜也無為也黃先生曰治天下者既治之必有

人以爲之然必人主自爲之則賢者無以施其材不肖者亦易諉其責無爲者謂不親勞於任事也恭己正南面者朝羣賢而蒞之已祇仰成也詩卷阿泮奭爾游矣優游爾休矣箋引此經而申之曰言任賢故逸也何解本鄭注歟荀子王霸篇曰論德使能而官施之聖王之道也傳曰士大夫分職而聽建國諸侯分土而守三公總方而議則天子其已而已漢書董子策曰舜因堯之輔佐繼其統業是以垂拱無爲而天下治又功臣侯表引杜業之說曰昔唐以萬國致

明明子論語集解義疏

卷十五

三十四明叢書

約園刊本

時雍之治虞夏以之多羣后享拱己之治顏注引此經又新序雜事四曰舜舉眾賢在位垂衣裳恭己無爲而天下治三國吳志樓元傳引此經而申之曰所任得其人也王通中說問易篇曰舜有總章之訪大哉乎并天下之謀兼天下之智而理得矣我何爲哉恭己南面而已此皆以得人爲說與何解同也皇疏云舜上受堯禪於己己又下禪於禹受授得人故孔子歎舜無爲而能治也蔡謨曰昔聞於先君曰堯不得無爲者所承非聖也禹不得無爲者所授非聖也

今三聖相係舜居其中承堯授禹又何爲乎夫道同而治異者時也自古以來承至治之世接二聖之間惟舜而已故特稱之焉蒙案何解專以得人言皇疏兼以紹堯言而朱子推本於德盛而民化易大傳言黃帝堯舜垂衣裳而天下治中庸言君子不動而敬不言而信不賞而民勸不怒而民威篤恭而天下平此德盛民化之說也然德盛民化聖人所同紹堯得人舜之所獨惟其有紹帝之德而能協帝之休以知人之明而際得人之盛此其所以爲德遇兼隆無爲

明明子論語集解義疏

卷十五

三十四明叢書

約園刊本

而治者其舜乎無憂者其惟文王乎千古一人也要之爲政以德譬如北辰非真不動也居不離所而動於人之所不覺則動而無動也無爲而治恭己南面非真無爲也逸於任人而爲於人之所不見則爲而無爲也恭己正南面乃形容無爲之象非推原無爲之本邢疏謂帝王之道清靜無爲此老莊之說也董子繁露楚昭王篇言春秋善復古譏易常引無爲而治者其舜乎爲訓改作義似確而較狹

何注云云疏曰左傳舜舉八元八愷書舜典命禹宅

百揆棄后稷契作司徒皋陶作士垂其工益作朕虞
伯夷作秩宗夔典樂龍作納言并四岳十二牧凡二
十二人是任官得人也

子張問行子曰言忠信行篤敬雖蠻貊之邦行矣言不
忠信行不篤敬雖州里行乎哉注鄭曰萬二千五百家
爲州五家爲鄰五鄰爲
里行乎哉言
不可行也

釋文行篤下孟反下行不篤敬同貊亡白反說文作
貉云北方人也史記弟子傳引邦作國矣作也漢書
袁安傳引矣作焉史記謂子張從行陳蔡間困問行
云云翟晴江謂子張時年十五歲史文未可信也

正義曰朱注問行猶問達之意也子張意在得行於

明明子論語集解疏 卷十五 三 四明叢書
約圖刊本

外故夫子反於身而言之猶答干祿問達之意也篤
厚也蠻南蠻貊北狄張敬夫曰言忠信則言有物行
篤敬則行有恆以是而行何往不可黃先生曰行有
不得必反求諸己己有忠信篤敬之實而可以行矣
蒙案說苑顏回將西遊問於孔子曰何以爲身孔子
曰恭敬忠信可以爲身恭則免於眾敬則人愛之忠
則人與之信則人恃之人所愛人所與人所恃必免
於患矣可以臨國家何況於身乎故不比數而比疏
不亦遠乎不修中而修外不亦反乎不先慮事臨難

乃謀不亦晚乎此說與本經相同而以之勉子張尤
爲切要大學云必忠信以得之中庸云篤恭而天下
平是則忠信篤敬乃言行出入之樞機人已交關之
輓輒也

鄭注云云疏曰周禮大司徒五家爲比五比爲閭四
閭爲族五族爲黨五黨爲州州是二千五百家故朱
注更之鄭云萬二千五百家或誤衍萬字也云五家
爲鄰五鄰爲里者遂人職文

立則見其參於前也在輿則見其倚於衡也夫然後行

明明子論語集解疏 卷十五 三 四明叢書
約圖刊本

注包曰衡輓也言思念忠信立則常想
見參然在目前在輿則若倚衡輓也
釋文參所金反輿音餘倚於綺反夫音符皇本高麗
本參下有然字行下有也字史記弟子傳引衡下無
也字漢書律歷志引輿作車

正義曰皇疏云參猶森也言若敬德之道行己立在
世間想見忠信篤敬之事森森滿互於己前也倚猶
憑依也又若在車輿之中亦自想見忠信篤敬之事
羅列憑依滿於衡輓之上也若能存想不忘事事如
前則此人身無往而不行矣朱注其者指忠信篤敬
而言言其於忠信篤敬念念不忘隨其所在常若有

見雖欲頃刻離之而不可得然後一言一行自然不離於忠信篤敬而蠻貊可行矣又或問文集云本文之意不過若曰坐則見堯於牆食則見堯於羹爾此謂言必欲其忠信行必欲其篤敬念念不忘而有以形於心目之間耳若不責之於言行之實而徒曰存其理而不舍亦何益哉抑夫子此言正欲發明忠信篤敬必積學久遠而後有成功非可以一朝一夕僥倖倉猝而冀其效也然則夫子所云行矣行乎哉夫然後行抑揚反覆重難其辭以深著行必存誠之意

明明子論語集解義疏

卷十五

三十四明敏書

約園刊本

正爲務外人鞭辟近裏著己也黃先生謂立與在與通行止而言呂伯恭曰此所謂誠則形也忠信篤敬誠也立與在與有所見則形也夫子言行之道曰夫然後行見其所以行者由功無閒斷積久有效非可驟致也徐偉長中論修本篇曰小人朝爲而夕求其成坐施而立望其反行一日之善而求終身之譽譽不至則曰善無益矣是以身辱名殘而不免爲人役也

包注云云疏曰以參爲參然者讀參如森也故釋文

所金反說文森木多兒字林森多木長兒又通作參長笛賦森柰柰樸皆森列眾多之引申也書西伯戡黎乃罪多參在上馬注參字累在上蓋說文參上从晶或省作厶累上亦从厶故云累在上言紂罪眾多森列在天也包云參然者亦謂森列在前自筆解云參古驂字朱子因之讀七南反如曲禮離坐離立毋往參焉之參非也云衡軛也者周禮封人設其楅衡杜子椿謂楅衡所以持牛角與詩毛傳同故說文衡字从角後鄭注謂楅設於角衡設於鼻義雖小異要

明明子論語集解義疏

卷十五

三十四明敏書

約園刊本

皆與車軛無涉說文軛輶前也蓋大車直輶二輶端著橫木長六尺名曰鬲鬲又縛一曲木以駕牛頸名曰軛小車曲輶一曰輶輶端著橫木長六尺六寸名曰衡衡又縛兩軛以駕二服馬是衡與軛顯非同物惟小爾雅訓衡爲軛蓋以其橫於車前而通稱之故釋名云衡橫也橫馬頸上也皇疏以倚爲憑依者說文倚依也曲禮主佩倚注謂附於身禮器有司跛倚以臨祭注依物爲倚是皆憑依之義也案衡本橫之借與旁爲同部凡物偏有所近曰倚又曰徬故車之

兩傍人可倚處謂之騎兵車受矛戈戟皆植焉似參前倚衡猶所謂臨上質旁如在其上如在其左右也

子張書諸紳注孔曰紳大帶也

釋文紳音申

正義曰朱注紳大帶之垂者書之欲其不忘也蒙案廣雅釋詁紳束也禮內則端鞞紳注大帶所以自紳約也白虎通衣裳所以必有紳帶者示敬謹自約整也是帶本以約束昭敬德而子張即書師訓於紳大戴禮武王踐阼記於帶為銘焉曰火滅修容戒慎必

明明子論語集解義疏

卷十五

子張問明

約圖刊本

恭恭則壽此物此志也書者必以筆說文序曰依類象形謂之文形聲相益謂之字箸於竹帛謂之書書者如也又聿部云書著也从聿者聲聿即筆也易繫辭傳易之以書契蓋以刀槩於竹木者為契以筆著於竹帛者為書書於竹則用漆蝌蚪古文是也書於帛則用墨篆籀隸艸是也賈子道德說著德之理於竹帛而陳之令人觀焉以著所從事然則古未有用筆者也故詩言彤管禮言載筆爾雅不律謂之筆魯語里革言奮筆晉語董安于士茁言秉筆管子言

削方墨筆晏子言擁札操筆莊子言砥筆和墨是皆古人有筆之證後人疑筆始於秦蒙恬遂以書紳為刺文豈知禮服帶無箴功耶

孔注云云疏曰云紳大帶者說文帶紳也紳大帶也蓋大帶束腰垂其餘以為飾曰紳詳見公冶篇束帶下

子曰直哉史魚注孔曰衛大夫史鮒也邦有道如矢邦無道如矢注孔曰有道無道行直如矢言不曲也

正義曰朱注史官名魚衛大夫名鮒如矢言直也史

明明子論語集解義疏

卷十五

子張問明

約圖刊本

魚自以不能進賢退不肖既死猶以尸諫故夫子稱其直事見家語蒙案大戴禮保傅篇衛靈公之時蘧伯玉賢而不用迷子瑕不肖而任事史鮒患之數言不聽病且死謂其子曰吾生不能進蘧伯玉而退迷子瑕是不能正君者死不當成禮而置屍於北堂於我足矣靈公往弔問其故子以父言聞公曰吾失矣立召蘧伯玉而貴之召迷子瑕而退之徙喪於堂成禮而後去衛國以治史鮒之力也夫生進賢而退不肖死且未止又以屍諫可謂忠不衰矣注引論語直